



## RELATORIO DE GALGEUIDADE

### CONCLUSIÓNS DEFINITIVAS

1.As comunidades galegas instamos á administración e as institucións de Galicia a apoiar este proceso mediante:

**1.1** A realización de congresos e xuntanzas da xuventude galega no exterior para que sexan os propios mozos galegos os que subliñen as necesidades, inquiredanzas e proxectos que poidan ter e desenvolver no ámbito asociativo da galeguidade e que tamén sirvan para una mellor orientación das políticas públicas de Galicia e as accións das propias comunidades galegas a favor da xuventude galega no exterior.

**1.2** O fomento de actividades formativas cara a xuventude galega residente no exterior que incidan no coñecemento da historia, lingua e cultura galega e tamén na realidade social e económica de Galicia.

**1.3** As comunidades galegas instamos a todas as sociedades galegas do exterior a abrir as súas portas á xuventude, con programas e actividades acaídos aos seus intereses. E a abrir a dirección das entidades á participación xuvenil nos casos en que esta non se producise.

**1.4** Na medida que a situación económica de Galicia o permita, aumentar os orzamentos dedicados á promoción de actividades que fomenten a participación da xuventude galega no exterior, a súa formación e aliente a súa capacidade para axudar as propias comunidades galegas.

**2.** As comunidades galegas queren mostrar o seu total acordo na eliminación de calquera barreira na consecución da igualdade plena entre homes e mulleres. Sendo conscientes de que este é un proceso que debemos desenvolver de forma continuada, instamos as nosas propias entidades a que de forma activa promovan a plena integración da muller na vida asociativa das entidades, sen discriminacións nin xerando espazos específicos de participación que as separen dos procesos de toma de decisión e de representación.



**3.** As comunidades galegas instamos á administración e as institucións de Galicia a apoiar este proceso mediante:

**3.1** Sendo exemplo destas políticas no seo dos propios organismos públicos e privados de Galicia.

**3.2** Promovendo foros de debate entre as mulleres galegas do exterior que definan o alcance que as mulleres queren dar a este proceso.

**3.3** Realizando estudos sociolóxicos, económicos e culturais sobre a situación da muller galega no exterior que sirvan para orientar as políticas públicas de Galicia e para promover o cambio cultural das comunidades galegas a favor da plena igualdade entre os homes e as mulleres de Galicia.

**3.4** Na medida que a situación económica de Galicia o permita, aumentar os orzamentos dedicados á promoción de actividades que fomenten a participación da muller, a súa igualdade e mostren as capacidades das nosas mulleres residentes no exterior.

**4.** Instamos ás administracións de Galicia e as nosas propias comunidades a mellorar o intercambio de profesionais galegos entre os nosos países, facilitar o encontro dos nosos empresarios -estean onde estean-, servir de antenas para detectar oportunidades de negocio para os produtos galegos e para produtos foráneos nos mercados de Galicia, promover e presentar as realidades produtivas, económicas, culturais e turísticas de Galicia nas sociedades que nos acollen.

**5.** As comunidades galegas, volven a reiterar a necesidade de non esquecer a nosa historia, especialmente entre as novas xeracións e, polo tanto, voltamos a instar ao goberno de Galicia a implantar nos seus plans de estudos na ensinanza primaria e secundaria a necesidade de estudar a historia da emigración de Galicia e o seu presente. Un pobo sen coñecemento da súa propia historia é un pobo que camiña cego na senda do futuro.

**6.** As comunidades galegas instamos aos concellos de Galicia a manter a súa vinculación coas comunidades galegas do exterior e especialmente con aquelas que os representan e levan dignamente os seu nome nos países que as acollen. Os concellos galegos deben ser responsables no envío de documentación de interese sobre as súas localidades as comunidades galegas, responder as súas comunicacións e peticións e manter informada as comunidades parroquiais, municipais e provinciais, o unas que haxa asociados veciños do seus concello sobre as actividades e programas que desenvolven a favor dos seus veciños.

**7.** As comunidades galegas instan a Xunta de Galicia a presentar nun prazo razoable un proxecto detallado para a creación da Medalla da Galeguidade.



XI CONSELLO DE  
COMUNIDADES GALEGAS

